



ЧАННАЦУКУ

«ЗВЕЗДА»

27 июль 2018ш
ножмар
№ 30 (6612)
Багъа 2 къруш

Газета буклакиссар
1951-ку шинал
ноябрьдания шинмай

Учредитель: Кулал районналул администрация
Кулинская районная администрация



Дагъусттаннал Конституциялушал!

Хурмат бусса районналул агъалий! Барча буллай уразу паччахлулгърал байранналушал- Дагъусттан Республикалул Конституциялул къинилушал!

Июлланул 26-нний дяличисса тарихри жула республикалул обрмуду. Дагъусттаннал Гъанусса закон-ва хъинну цлакьсса гъанур республика демократически хъхъичлулнай шаврил, жяматрал данив дакъаву ва рязишинна цлакь шаврил. Конституциялулли гъанумий хлулчарду члалачли байсса паччахлулгъ хласул шавриусса ва хъхъичла-хъхъичли инсаннал ихтиярду лайкъну обрму бутансса цаллу давриусса.

Халкъуннал мурадру ва ихтиярду дуручлай, Конституция зуззиссар паччахлулгъ цлакь давриха, агъалийнал дянив паракъатишиву дуруччавриха, граждентурал общества дузал шавриха, граждентурал ихтиярду ва тархъаншиву цаллу давриха.

Цумурцатургу паччахлулгърансса тлайла бацлу хъар хъанахъиссар цачлулу зун клулишвируя, тлабиятрал сурсатру мюнпатранну ишла дан клулишвируя, цусса экономика хласул дансса шартлру хласул дан клулишвируя, демократиялул зумувнусса институтру цлакь хъун бан клулишвирия, региональный ва муниципальный властърал органнал зузаву ххуй дан бюхъаврия.

Хлакьинусса къини жула билаят дуняллул халкъуннал дянива гъаз дуллалисса захматирттал хъхъичли бусса члумал, жунна хласав хъанай дур жула дянив цашиву диклан аьркиншиву, жула ватанналул мурадру буруччин хладуришиву-му жула умудри жула хъхъичли чил билаятиттал гъаз дуресса политикалул ва экономикалул захмативурттаяр ххув хъунесса. Конституциялул тлалавшиннарттму дуруччаву тлурча, жаваблувесса захматри, халкъ ва властъ цахъун даву-му тлайлабацлур паччахлулгъ хъхъичлулнай шаврийнесса ва тлутлайх дичинесса.

Муклруну ура, цимурца захмативурттаяр ххув хъун бюхъаншиврийн ва Дагъусттан хъхъичлулнесса, тлутлайх дичлачисса регион хъун бан шаврийн.

Ва байран къини районналул циняв агъалинан чла тлий ура талихли, дакли дарцлуну, зула къуватрайн ва гъунттийсса къини ххуйсса шаврийн муклруну биклаву, тлайла бацлу зу республика, район хъхъичлулнай шаврил къастирай дуллалисса гъарцагу давриу! Дакъаву ва бавкъуну зузаву, цлакьсса цуллушиву ва кулпатирттаву тлайлабацлу!

Кулал муниципальный районналул баклчи

Ш.Р. Рамазанов

Ирглийсса хъунабакъаву

Уттигъанну 1-мур Цлувлкулал шяраву агъалийнашал ирглийсса хъунабакъаву хъунни муниципальный районналул баклчи Ш.Р.Рамазановлул. Хъунабакъаврил мурад-савадия агъалинал даклинийсса мурадру тлалавшиннарду клул дурну, ми биттур дансса чаранну ккаккаву.

Хъуна бакъаврий муниципальный районналул баклчи Ш.Р.Рамазановлул клици лавгуна укунсса хъунабакъавуртту дачли шинай цал чарабакъа дуллантишиву. Хъунабакъавурттайнгу районналул администрациялул жаваблувесса зузалт буллантисшиву гъаз бусса гъарца масъалалун жавабру дулан, тлалавшинна биттур дуван най дунува дуллан бюхъланшиврул.

Ва хъуна бакъаврий 1-мур Цлувлкулал жяматрал цлур-клур бия райцентрдания 1-мур Цлувлкравнесса ххуллул тагъар лацинесса душиврия, райцентрданийнесса транспорт райнусса дахлаву дакъа шиврия, шяравун электричество члалалну лещла шаврия.

Агъалийнал гъаз бусса масъалалул ялув



ихтилал буллай Ш.Р.Рамазановлул буссуна ххуллал тагъар низамрайн дуцин районналул ДЭУ-лул начальникнайн тапшур бувантисшиву, агъалий райцентр данийн ва махъунмай ххилансса транспортрал ялувгу

пикри бувантисшиву. Мукунма буссуна райцентрданий электроподстанция-лий реконструкция най душиву ва му къуртал хъувкун, вихшала душиву, электроэнергия итабакълакъаву саргъунну хъананшиврийн.



Жула яла агъанмур байран къини

Жула республикалий ца яла агъанмур паччахлулгърал байран къинину хъанай дур Дагъусттан Республикалул Конституциялул Къини.

Дагъусттан Республикалул цусса конституция къамул дурссия 2003-ку шинал июлланул 10-нний Дагъусттан Республикалул Конституциялул Собраниялул. Муния махъ июлланул 26-нний циняв агъалийнангу клул дурну, му къини байран къинину клици лаглан байбивхъуссар. Конституция хъанай дур юридический яла гуж бумур ихтияр дал акт, цайнугу шаллу дуллалисса жяматрал дянивесса арарду, цалгу дахлаву дусса властъ хласул шавришал, инсантурал ва граждентурал ихтиярду ва

буржру шаллу шавришал, паччахлулгъ хласул шаврил ва каялувшинна даврил къяйдардашал.

Конституциялул гъарца инсаннахъхъун, гражданахъхъун дуллусса ихтиярду члалачли дуллай дур жула дянивесса демократия цукунсса дуссарив, закон, дуруччаву, обществалул ва паччахлулгърал даража ккаккан баву, мунихтунур жула конституциялуву яла къадру буману инсан ва мунахъхъун дуллалисса ихтиярду ва тархъаншиву ккаккан дуресса.

Гъарца шинал республикалул гъарца шагърулий, районнай июлланул 26-нний хъуннесса байранну клици лагай Дагъусттан Республикалул байран къини.

Дагъусттан Республикалул Конституция цлакь дуллай ва гъарта дуллайнма бур демократия дусса паччахлулгърал хлулчарду, муклруну бур дагъусттаннал халкъуннал лавсун нанисса ххуллу тлайлашиврийн- ялапар хъанан ва хъхъичлулмай ххуллу лавсун бачин чляву миллатру бусса Аьрасатнал халкъуннал цасса кулпатраву. Дагъусттан Республикалул Конституция- му ххуллур ас-намусрашал жува бачинсса.

Халкъуннал дусшиврул жува цачлун бувну, лагма лаган буллалиссару гъарца миллат хъхъичлулмай хъун баврил, миннул культура, аьдатру хъама ритан (Ахир 2-мур лаж.)

Цинявнанагу бусрав хьусса республикалул каялувчи

Августрал 22-нний 110 шин там хъанахъиссар цла дурксса политический деятель Данияллул арс Абдурахман Данияловлул. Аб.Даниялов увссар Гъуниннал районналий Ругъуджав хъудугъул кулпатраву. 1920-1924-ку шиннардий Даниялов дуклай ивкиссар Гъуниннал районналул оърчал кятлуву, муния махъ, Буйнаккалийсса зунттал оърчансса интернатраву, 1928-ку шинал Данияловлул къуртал бувссар Буйнаккалийсса педтехникум, мурчумал увххуссар ВКП(б)-лунунгу. Тара шинал октябрьданий Даниялов зун ивкиссар Гъуниннал округрал ВЛКСМ-рал комитетрал жаваблувсса секретарьнал къуллугърай. 1929-ку шинал зий ивкиссар Дагъусттаннал ВЛКСМ-рал обкомрал агитационно-пропагандисткий отделанул заведующийну. 1930-ку шинал мартрай тгурча ивтуссар ДАССР-данул просвещениялул Халкъуннал комиссариатрал главный управлениялул начальникну.

1935-ку шинал Абдурахман Данияловлул къуртал бувссар шинал хозяйствалул инженертурал Москваливсса институт. 1947-ку



шинал тгурча заочно къуртал бувссар ЦК ВКП(б)-лул чласса лаваймур партшкола. Буттал клантул цланыйсса Хъунмасса дъявилул шиннардий ва ухлай уссия 44-мур армиялул Военный советравун ва членну уссия МахIачкъалаллал обороналул комитетрал. 1948-ку шинал декабрьданул 3-нний 1967-ку шинал ноябрьданул

29-нний зий уссия ВКП(б)-лул Дагъусттаннал обкомрал цалчинма секретарьну. 1967-ку шинал ноябрь дания 1970-ку шиналнний зий уссия Дагъусттаннал АССР-данул Верховный Советрал Председательну. 1956-ку шинал 1971-ку шиналнний КПСС-рал ЦК-лул членну уссия (1957-1956-ку шиннардий КПСС-рал ЦК-лул член шиврийсса кандидатну).

1946-1970-ку шиннардий СССР данул Верховный Советрал депутатну увчлун уссия. 1962-1970-ку шиннардий СССР-данул Верховный Советрал Президиумрал членну уссия.

1970-ку шинал шихунай Союзрал лагурийсса персональный пенсионерья.

1971-ку шинал СССР-данул элмурдал Академиялул баргъ буквавал чулмур билаятрула хълахъхъисса Институтрал элмийсса хъунма сотрудикину уссия.

1981-ку шинал апреланул 24 Москалив аьпалухъхъун лавгуссар.

Абдурахман Данияловлул дуллуссар ххюра Ленинлул орден (Дагъусттаннай ва акъа акъа ссар ххюра Ленинлул орден ларсусса; ца ЗахI матрал Ятлул ттугълил орден; Буттал клантул цланыйсса дъявилул I-мур даражалул орден.

Суратирттай; А.Д.Даниялов ва ванан МахIачкъалалий дацIан дурсса гъайкал



Жула яла агъанмур байран кьини

(Дайдихъу I-мур лаж.) кьаривтун, хъхъичлуннай хъун даврил.

Ми иширттаву хъунмасса бияла буссар культуралул зузалтрахъ. Конституциялул кьини миннал хъунмасса даву дувай жагъилсса никиран жула ппухълуннал аьдагъу, багъу-бизу, культура кIул давриву. Мунийну хъунмасса асар биян бувай

жагъилми буттал клану, Ватан, миллат ххирану тарбия шаврийн, миллатрал дянив нахлу-хIалимшиву диклаврийн, динналулшиврий дянив бяс-ччаллу къабиклаврийн.

Дагъусттан Республикалул Конституция, Аьрасатнал Федерациялул Конституциявай жунма хъхъичлунмайсса ххулурду тIитIлатимийри, чани буллалимири.

СПОРТ

Волейболланул бяс-ччал

Июнналул 19-нний Ваччав хъунни Дагъусттаннал Конституциялул Кьинилун хас дурсса волейболлай буккавил бяс-ччал

Ва бяс-ччалливу гуртту хъунни районналул идарардал, организациярдал чулухасса командарду. Волейболланул бяс-ччал цуппагу най бия «Мы за здоровый образ жизни» тIисса

организациярдал зузалт эьратранну биклан багълай бур цала даврий бакъассагу, спортравухсса гурттушиннаравугу. Вания тихуннайгу цIуллушиву цлакъ шаву мурадрайсса спортрал бяс-ччаллу вания тихунмайгу цайми байран кьинирдангу хас бувсса буллансса пикри буссар, увкуна цала



цIанилу.

Волейболланул бяс-ччал тIитIлай муниципальный районналул бакIчи Ш.Р.Рамазановлул кIицI лавгуна волейболланул турнир хас бувну бушиву Дагъусттан Республикалул Конституциялул Кьинилун. Мунихтуну идарардал,

ихтилатрал ахирданий.

Волейболланул бяс-ччалливу сайки циняв командрттавами хIарачатрай бия цала бюхъу-гъунар ккаккан буван.

Турнирданувау цалчинмур клану бувгъуна районналул бакIчи капитансса админстрациялул зузалтрал командалул.



Къатри ремонт даврихсса ариу

2018-ку шинал июлланул 4-нний № 78, Дагъусттан Республикалул Хукуматрал къамул бувсса хукумулийн бувну чIавусса квартирарду бусса къатри ремонт буван ми квартирардал заллухърунная датIайсса арцул къарал ккаккан дунни. 2018-ку шинал ми квартирардал заллухърунная ремонтран ласлан ккаккан бунни гъарца квадратный метралуя 5.4 къуруш хIисаврай.

Къулайминнул сияхIраву

Билаятрал регионнаву инсантал литIаву чан хъуну дур, миннувах Дагъусттан Республикалийгу. АФ-лул здравоохранениялул министр В.Скварцовал баян бувмунийн бувну Дагъусттаннал Минздраврал пресслужбалул кIицI лавгунни агъалийнал дянива литIаву 6,8 прпоцентрал чан хъушиву. Ларгсса чIумуву жула республикалий хIисав хъунну чан хъунни мюрщи оьрчIру литIаву. 2018-ку шинал лавгсса ххюва зурул мутталий оьрчIру литIаву 8,8 процентрал чан хъунни. Аммакий хIисав дурсса чIумал жула республикалий уттигу лахънура дур мюрщи оьрчIру литIаву абмну аьрасатнаву дянивну хIисав дурссаннува

Туберкулезрая бурувчуну бикIан

Ци азарди, цукун къашай шайссар туберкулезрал? Туберкулез хъанай дур хъинну хъхъичIарасса ва захIматсса азар. Мунин къаршисса дарурду итабав къуну мукъах яларай дагъ нугу диркIуну, махъсса шин нардий шаллагу дунияллий чIяву хъанай бур му азаруннил къашавай хъумий. Туберкулезрал микробру гъавалувах ппив хъанай бур къашайшалал хъугъулийх чIин, аьнчливух, гъалгъа тувух, яла багълай бур инсаннал чурххавун. Яла гужну му багъан бюхълай бур сагъссаннал чурххавун машиналуву (маршруткадаву, автобусирдаву), къатраву, идарардаву, чIявусса халкъ бавтIусса кIанттурдай. ЧIявуми калкъуннал чурххаву буссар укунмагу туберкулезрал микроб, амма чурх ххуйну буссаксса му микроб ссихI-чIитI дакъа буссар чурххаву, ялунгу къаличлай. Амма чурх хъхъара буккайхту, ялун пичлай бур, инсан къашавай хъанай ур. Чурххал хIал хъхъара шайсар дукия цил багъайкун ххуйсса дакъасса чIумал (яла-яла дуснакъраву), бакIрачIан бала бувкIусса чIумал, пикрирду чIяву хъусса чIумал (стресс), чIярусса пIапIрус гутIисса чIумал, хIанттихун агъсса ва цаймигу чурххан къаххуйсса азарду ялун пирчусса чIумал (сахарный диабет, гьуттурдал азарду). Туберкулез азаруннил тишанну хъанахъиссар:

-оьттушалсса хъугъу;
-иштахI чан шаву, илтIа шаву;
-чIявуну гъухъаит латаву, яла-яла хъхъувай;
-чурххаву хIал бух лагаву;
-чурххал температура чIун-чIумуй гъаз хъана хъаву. Укунсса лишанну ялун личлачисса ухъурча аьркинссар анаварну хIакин начIан гъан. Флюорограмма дурну гьуттурди ххал бантIиссар. ЧIумуй хъирив уккарча цIанасса ххуйсса дарурдах ва азар хъин дуван бюхълай бур. Так ца ларгсса 2016 -ку шинал Ккуллал районналий 3-инсан цIуну къашавай хъусса хъунни туберкулезрал, 2015-ку шинал 3-инсан, 2014-ку шинал 4-инсан. Ялун къаливчусса бикIантIиссар гъарзасса. Циняв агъалинан аьркинссар 2-ра шинай цал флюорограмма дуван, гьуттурди ххал буван, хъхъичIва-хъхъичI идарар дай узиминнал. Гъарца шинал бувайссар график жяматрал флюорограмма дурну гьуттурдив ххал баврил. Районналул идарардал каялувчи турайн тапшур бувайссар цIакъ бувсса графикрайн бувну циняв зузалт ЦРБ-лийн бучIан буван флюорография дуван, мукума шяраваллал бакIчитурайн гу тапшур бувайссар. Азар чIумуй хъирив лавссаксса хъин дуван бигъассар.

Аб.Къубатаев,
хIакин

Зунттаву ятти къушлий

Буссия замана, жула зунтурду гъинтул арияту бувкIесса яттикъушал бу цIайсса. Яттил ва чIируннал мя-гъялул тIааьнсса чIур дал кIюрххила дургъуну дачайссия зунттал хъачI бакIру. Жул ЧIяйннал колхозрал бикIайссия шанма къуш. Гъинтул ми яттикъушру ца ссурхIиял чулийсса Арапа зунттууй, ца Хъусрациял шяраваллил чулийсса Аьралиялу тIисса зунттууй, цагу ДугъулбакIул чIарав сса Бяртазунттууй бищай ссия. ЯттичIагу буссия миннул хIал клулсса цими рагу шинай хIухчушиву дурсса аьпалувах бивхъусса Ибрагъимов Апанни, Расулов КъурбанмахIанмма, Ккузуров ХIусман, АхIма дов Мюрщи, ХIайдаров ХIасанхIусайн, Ажунов ХIасанхIусайн, Оьмаров Рамазан, Рабаданов Аьлихан ва м.ц. Вай цIарду кIицI дурссахIухчалт аьпа бивхъул цаягу сагъну акъар. Вайннал колхозралссагу ябувну цалассагу биялсса ятту ябувну, хъинну цала кулпат дулан бан маэшат байссия. Оьрмулул бугъарами буслан бикIай, ца ххуллухъ ЧIяйннал шяраваллия арх бакъа ХIаллалу яттикъуш бившун бивкIун бур, микку июнь зуруй уртту тIутIи чагъирайсса чIумал ятту ттизлайсса гъантри бивкIун бур. Ттарду ва чIиру дар

бувну, чIиру ратIнил тия чулий, ххяллал ялтту ита бавкъун канаки байсса бивкIун бур. Мудирххалалу тIисса кIанай, хIаллил лув хIухчалт къачIри дархIун ятту ттизлазисса ппурттуву тия чулия ттарду, шия чулия чIиру мя-гъя тIий сунув канайсса чIируннава цаннил ххявххун тIанкI куну бур ттардал чIунийн, ганил хъирив, ца-цаних тIий чIиру бавчун бур ххяллуийх ххяхлай, ятти къушлийсса хIухчалт, миннан кумагран бувкIесса шяравасса чIава жагъилтал банд лавгун буруглан бивну бур ххяллуийх ца-цаних тIий ххяхлаххисса чIируннах. КIия ххявххуму бивчIаяр бихлай тинмай бихълан бивну бур. Ххяли цурдагу лахъсса, инсаннаща лахъан къашайсса ЯтIул мурлу цIа дурсса ххяли. Микку хъунма хIал къахъун; «на банна кIай ххассал», - куну ца жагъил зирангну лавхъун авчун ур ххяллавах личIрулну ва зирангну. Къушлийсса циняв бан-бит бухлавгун кIаных буруглан бивну бур оьрмулия ка лавсун оьккисса ххяллал ялун гичча ххяхлаххисса чIиру ххассал бан нанисса. Ххярк тIий лавгун кIа жагъилнал муруллуийх ххяхлаххисса чIиру хъап куну ччаннаха бувгъуну чулинмай бувцун авчун ур ххярклий, микку муруллуийх ххяхлаххисса чIиру ганал

ххюрхху бувну нанисса чIилул хъирив бавчун бур. Къушлия буруглагиминнал рахIатну ссихI ита бавкъун буруглай бивкIун бур жагъилнал дурсса къучагъшиврий махIаттал-хIайран хъуну. Му жагъил цувагу Ибрагъимов Ильяс ивкIун ур. Мукун мунаща бювхъун бур 700-800 чIи ххассал бан, кIа оьккисса ххяллуийх ххявххун ттуршлийсса чIиру ливтIун бивкIун бур. Му чIун цурдагу диркIессар буттал кIанттул цIанийсса Хъун дяъви байбишин бувасса. Жагъилнал Ильяслул дурсса къучагъшиву Дагъусттаннал хъуниминнайн бияннин бавну бур. Гъанжилия мунал цIаний Обком партиялул чулухасса хIурматрал грамота ва багълул ххирасса бахшиш дуркIун дур. Мукун чумартсса, зирангсса жагъил ивкIун ур Ильяс. Хъун дяъви бай бивхъукун аьпа биву Ильяс хъхъичIва-хъхъичI душман ххит уккан ан наниминнавах лавгссия ва зана хъуссия дяъвилия орденнал хъазамгу бувцIун. Виричунал музил цIуку булун цIа риршун диркIессар мунал, мугу багълай бунува къабуллун ливчIессар. укунсса уссия жул шяравучу, жул чIаххучу, жул бутталгу хъинсса дус Ильяс.

А. Аьбдуллаев

Баян

ЗАКАЗ БУВАРА!

Хъинну къювкъусса багълий буллай буру шкаф-куперду, прихожирду ччимур журалул. Миннул дуцин дуваву, щаллу бувну махъ зу ялапар хъанахъисса шяравун



лавсун бучIаву ва бацIан баву украссар.

ЦIуххаву дуван тIалав буван бюхъайссар телефонналул ва номерданийх: 89285017706

Редакциялул адрес
368390, Республика Дагестан
Ккуллал район, ш.Ваччи
Издательнал адрес:
Республика Дагестан
Ккуллал район, ш.Ваччи

Газета регистрировать
бывсар РФ-лул МТПР-лул
Южное межрегиональное
управлениялул.
Регистрациялул номер
ПИ № 10-4202

Хъунама редактор
А.И. Къянчиев

Газета бавтIуссар «ЧаннацIуку»
газетрал редакциялул компьютердай,
бившуссар ГАУРД «Издательский дом
«ДАГЕСТАН». Типографиялул адрес:
367018. МахIачкъала, пр.
Насрутдинова 61,

Буккайссар ножмардий цал.
12+ Индекс: 51317
тираж 657 экз. Газета итаба
къин къулбас дайсса чIун 17. 00,
къулбас дурсса чIун 16. 00
gazetazvezda0@mail.ru